



INFORME DE INTERVENCIÓN Ó PROXECTO DE ORZAMENTO PARA O EXERCICIO ECONÓMICO DE 2024.

Dando cumprimento ao artigo 168.4 do Real Decreto Legislativo 2/2004, de 5 de marzo, polo que se aproba o Texto Refundido da Lei Reguladora das Facendas Locais e en relación ó proxecto de Orzamento Xeral do Consorcio Provincial de Pontevedra para a Prestación do Servizo contra Incendios e Salvamento para o exercicio do 2024, emíttese o informe preceptivo previsto no devandito artigo nos seguintes termos:

1º- Lexislación aplicable.

Segundo determina o artigo 118.1 da Ley 40/2015, do 1 de outubro, do Réxime Xurídico do Sector público,

“Los consorcios son entidades de derecho público, con personalidad jurídica propia y diferenciada, creadas por varias Administraciones Públicas o entidades integrantes del sector público institucional, entre sí o con participación de entidades privadas, para el desarrollo de actividades de interés común a todas ellas dentro del ámbito de sus competencias.”

En canto ao réxime xurídico dos consorcio, o artigo 119 establece, que

“1. Los consorcios se regirán por lo establecido en esta Ley, en la normativa autonómica de desarrollo y sus estatutos.

2. En lo no previsto en esta Ley, en la normativa autonómica aplicable, ni en sus Estatutos sobre el régimen del derecho de separación, disolución, liquidación y extinción, se estará a lo previsto en el Código Civil sobre la sociedad civil, salvo el régimen de liquidación, que se someterá a lo dispuesto en el artículo 97, y en su defecto, el [Real Decreto Legislativo 1/2010, de 2 de julio](#).

3. Las normas establecidas en la [Ley 7/1985, de 2 de abril](#), y en la [Ley 27/2013](#), de 21 de diciembre, de racionalización y sostenibilidad de la Administración Local sobre los Consorcios locales tendrán carácter supletorio respecto a lo dispuesto en esta Ley.”

Polo que respecta ao réxime de adscripción, o artigo 120.1 desta norma establece, que

“1. Los estatutos de cada consorcio determinarán la Administración Pública a la que estará adscrito de conformidad con lo previsto en este artículo.

2. De acuerdo con los siguientes criterios, ordenados por prioridad en su aplicación y referidos a la situación en el primer día del ejercicio presupuestario, el consorcio quedará adscrito, en cada ejercicio presupuestario y por todo este periodo, a la Administración Pública que:

- a) Disponga de la mayoría de votos en los órganos de gobierno.
- b) Tenga facultades para nombrar o destituir a la mayoría de los miembros de los órganos ejecutivos.
- c) Tenga facultades para nombrar o destituir a la mayoría de los miembros del personal directivo.
- d) Disponga de un mayor control sobre la actividad del consorcio debido a una normativa especial.
- e) Tenga facultades para nombrar o destituir a la mayoría de los miembros del





órgano de gobierno.

f) *Financie en más de un cincuenta por ciento, en su defecto, en mayor medida la actividad desarrollada por el consorcio, teniendo en cuenta tanto la aportación del fondo patrimonial como la financiación concedida cada año.*

g) *Ostente el mayor porcentaje de participación en el fondo patrimonial.*

h) *Tenga mayor número de habitantes o extensión territorial dependiendo de si los fines definidos en el estatuto están orientados a la prestación de servicios a las personas, o al desarrollo de actuaciones sobre el territorio."*

E en canto, ao réxime orzamentario, de contabilidade, control económico-financeiro e patrimonial, o artigo 122.1 establece que

"Los consorcios estarán sujetos al régimen de presupuestación, contabilidad y control de la Administración Pública a la que estén adscritos, sin perjuicio de su sujeción a lo previsto en la [Ley Orgánica 2/2012, de 27 de abril.](#)"

Polo que neste marco normativo e en relación coa elaboración e aprobación do Orzamento do Consorcio Provincial de Pontevedra para a Prestación do Servizo contra Incendios e Salvamento e dado que o réxime orzamentario, de contabilidade, control económico-financeiro e patrimonial do Consorcio será o da Administración Pública á que estén adscritos, terase en conta a seguinte lexislación:

1. Lei 40/2015, do 1 de outubro, do Réxime Xurídico do Sector Público.
2. Decreto 36/2011, do 17 de febreiro, polo que se aproba a constitución do Consorcio Provincial de Pontevedra para a Prestación do Servizo Contra Incendios e Salvamento.
3. Acordo adoptado polo Pleno do Consorcio Provincial de Pontevedra para a Prestación do Servizo contra Incendios e Salvamento, en sesión extraordinaria de data 31-07-2014, polo que o Consorcio quedará adscrito, en cada exercicio presupostario e por todo período á Administración que se determine de acordo cos criterios de prioridade, recollidos na Disposición adicional vixésima da Lei 30/1992, de 26 de novembro, de Réxime Xurídico das Administracións Públicas do Procedemento Administrativo Común.
4. Lei Orgánica 2/2012, de 27 de abril, de Estabilidade Orzamentaria e Sostibilidade Financiera.
5. Arts. 162 a 171 do RD Lei, 2/2004, de 5 de marzo, polo que se aproba o Texto Refundido da Lei Reguladora das Facendas Locais (TRLRFL).
6. Arts. 2 a 23 do Real Decreto 500/1990, do 20 de abril, polo que se desenvolve o capítulo primeiro do título sexto da Lei 39/1988, de 28 de decembro, reguladora das Facendas Locais, en materia de presupostos.
7. Orde HAP/419/2014, do 14 de marzo que modifica a vixente estrutura orzamentaria regulada na Orde HAP/3565/2008.
8. Normativa complementaria.

2º.- Documentación que contén o expediente.

O Orzamento que se somete á aprobación do Pleno do consorcio, para o exercicio económico de 2024, ascende, tanto no seu estado de gastos como no de ingresos, á cantidade de TRES MILLÓNS NOVECENTOS NOVENTA E DOUS MIL TRESCENTOS EUROS (3.992.300,00 €), resultando evidente que se confeccionou sen déficit inicial, cumprido o que prescribe o texto refundido da Lei de facendas locais nos seus artigos 162 e seguintes. Consta de seguinte documentación:

- Estados de Gastos.
- Estados de Ingresos.
- Bases de execución.
- Memoria da Presidencia.





- Anexo de persoal.
- Informe económico-financieiro
- Informe de intervención
- Liquidación do orzamento 2022 e avance da liquidación do corrente.

3º.- Estados de Gastos.

Dá cumprimento á disposición final segunda da Orde HAP/419/2014, do 14 de marzo que modifica a vixente estrutura orzamentaria regulada no Orde HAP/3565/2008, que entra en vigor o día seguinte ao da publicación no Boletín Oficial do Estado (publicada o 19-03-2014 entrada en vigor 20-03-2014) e resulta de aplicación, en canto a súa elaboración, execución e liquidación, aos presupostos correspondentes ao exercicio 2015 e seguintes; polo que a clasificación por programas é a prevista no ANEXO I desta Orde.

En relación co estado de gastos, cabe subliñar que, o Orzamento de gastos do 2024 está elaborado sobre previsión da cobertura económica das obrigas que poidan derivarse da normal prestación deste servizo e do funcionamento do propio Consorcio; sen prexuízo das modificacións orzamentarias que poida experimentar en virtude das necesidades e adaptacións que xurdan derivadas da recente implantación do sistema de xestión directa, que nestas primeiras anualidades se consideran de transito e que determina non dispoñer dunha imaxe real e completa das necesidades e gastos que derivan da implantación do sistema de xestión directa.

- No capítulo 1, gastos de persoal, prevense os créditos destinados ás retribucións e gastos sociais dos postos previstos no Cadro de Persoal, que contempla:

* a Xerencia

* Secretaría-Intervención, postos previstos nos Estatutos.

* os derivados da implantación do sistema de xestión directa coa subrogación do persoal de intervención co carácter de indefinidos non fixos/interinidade.

* os postos de carácter administrativo de nova creación.

Tamén se consigna crédito nas aplicacións do Capítulo I, de retribucións de persoal laboral temporal, polas necesidades inaprazables que poidan xurdir para cubrir a prestación do servizo por situacións de IT, vacacións etc., que faga preciso acudir as modalidades de contratación laboral temporal prevista na lexislación vixente.

Para o exercicio 2024 prevese, para os diferentes conceptos, un incremento das retribucións do persoal ao servizo do Consorcio Provincial de Pontevedra para a Prestación do Servizo contra Incendios e Salvamento do 2,5 % respecto ás vixentes a 31 de decembro de 2023, en termos de homoxeneidade para os dous períodos da comparación, tanto polo que respecta a efectivos de persoal como á antigüidade do mesmo.

- No capítulo 2, gastos en bens e servizos correntes, consígnanse, os créditos que se estiman precisos para atender as obrigas e os gastos en bens e servizos necesarios para a prestación do servizo que constitúe o obxecto deste Consorcio e para atender os gastos de funcionamento do mesmo; consignando crédito no subconcepto 227.99 para os gastos derivados dunha previsible contratación do servizo de mantemento e funcionamento dos bens mobles, inmobles e equipos, incluídas as instalacións técnicas, equipos e utillaxes, afectos á prestación do servizo de prevención, extinción de incendios e salvamento.

- Capítulo IV, prevese a achega á Asociación de Consorcios de Bomberos de España, en virtude de acordo de adhesión adoptado polo Pleno do Consorcio en sesión de data 21 de maio de 2013 e o acordo da Asamblea Xeral da Asociación de Consorcios y Servicios de Bomberos de España (Conbé), en sesión de data 23 de febreiro de 2023, acordou establecer a cota anual de cada unha das Entidades integrantes da Asociación para o exercicio 2023 en 5.000,00 €, que se prevé que se manteña para o exercicio 2024





Capítulo V: Inclúese o Capítulo V, Fondo de contingencia e outros imprevistos, que regula o artigo 31 da Lei Orgánica 2/2012, do 27 de abril, de Estabilidade Presupostaria e Sostibilidade Financeira e a Orde HAP/419/2014, de 14 de marzo, pola que se modifica a Orde EHA/3565/2008, de 3 de decembro, pola que se aproba a estrutura dos presupostos das entidades locais.

Capítulo VI: Unha vez atendidos os gastos correntes prevense as cantidades destinadas a investimentos.

Todo elo, sen prexuízo das modificacións orzamentarias que poida experimentar en virtude das necesidades e adaptacións que xurdan derivadas da tan recente implantación do sistema de xestión directa, que determina non dispoñer dunha imaxe real e completa das necesidades e gastos que vai a supoñer a implantación do sistema de xestión directa para un exercicio completo

4°.- Estados de ingresos.

O Estado de Ingresos recolle previsións nos seguintes capítulos III e IV:

No capítulo III aparecen as partidas destinadas a contabilización de ingresos procedentes da aplicación das ordenanzas fiscais do Consorcio e de outros ingresos procedentes da xestión de ingresos en vía executiva.

No Capítulo IV recóllese a previsión por Transferencias correntes da Comunidade Autónoma (50%) e da Deputación Provincial de Pontevedra (50%), de conformidade co previsto no artigo 23 dos Estatutos reguladores do Consorcio.

5°.- Bases de execución.

Veñen a ser un regulamento orzamentario, que constitúe unha adaptación das disposicións xerais en materia orzamentaria, á organización e circunstancias desta Entidade, así como aquelas outras necesidades para a súa acertada xestión, establecendo as previsións estimadas oportunas ou convenientes para a mellor realización dos gastos e recadación dos recursos, sen modificar o lexislado para a administración económica nin comprender preceptos de orde administrativa que requiran, legalmente, de procedementos e solemnidades específicas, distintas das preceptuadas para a aprobación do Orzamento.

Examinadas estas, resulta que conteñen, a xuízo da informante, as disposicións necesarias para unha adecuada e correcta xestión durante o exercicio económico a que estas se refiren; sen prexuízo das modificacións, adaptacións e puntualizacións que poida experimentar en virtude das necesidades que xurdan derivadas da implantación do sistema de xestión directa do servizo de intervención en emerxencias.

6°.- Memoria da Presidencia.

É o documento no que a Presidencia do Consorcio explica as liñas da súa economía, que se plasman no orzamento anual.

7°.- Anexo de persoal.

Esta parte da documentación orzamentaria servirá tamén para que con ocasión da aprobación do orzamento, como di o art.126 do Texto Refundido aprobado polo R. D. Lexislativo 781/86, se aprobe o cadro de persoal; sen prexuízo das modificacións que se poidan derivar da entrada en vigor da Relación de Postos de Traballo, que deberá aprobar o Consorcio.

8°.- Informe económico-financeiro.





Este documento trata de informar sobre os extremos previstos no art.168.1.e) do TRLRFL.

9º.- Tramitación.

Os pasos principais a seguir de acordo coa lexislación ó principio citada son os seguintes:

- Ditame da Comisión Especial de Contas.
- Toma de razón e aprobación inicial polo Pleno do Consorcio.
- Traslado, en canto ente de adscripción, á Deputación Provincial de Pontevedra para a tramitación conxunta co Orzamento da Deputación, dando cumprimento ao artigo 122.4 da Lei 40/2015, do 1 de outubro, de Réxime Xurídico do Sector Público.
- Exposición pública conxuntamente co da Deputación Provincial de Pontevedra durante 15 días, mediante edictos publicados no B.O.P. e na páxina web da Deputación e do Consorcio.
- Aprobación definitiva polo Pleno da Deputación Provincial de Pontevedra que será expresa se hai que resolver reclamacións.
- Publicación no B.O.P. e remisión ás Administracións autonómica e do Estado.

10.- Estabilidade Orzamentaria e límite de débeda.

O principio de equilibrio orzamentario despréndese da comparación dos capítulos 1 a 7 do orzamento de gastos e os capítulos 1 a 7 de ingresos e que o obxectivo de estabilidade orzamentaria identifícanse cunha situación de equilibrio ou superávit. Practicada esta comparación pode observarse que o Orzamento 2024, acada unha situación de equilibrio.

Límite de débeda, o Consorcio Provincial de Pontevedra para a Prestación do Servizo contra Incendios e Salvamento non conta con débeda nin se prevé acudir a mesma neste exercizo orzamentario.

CONCLUSIÓN

Obsérvase, a xuízo da que subscribe, que na elaboración do orzamento se cumpriron as prescricións legais aplicables, que contén as previsións necesarias para atender ás obrigacións do Consorcio e os dereitos que se calcula liquidar durante o seu desenvolvemento. Así mesmo cúmprese co establecido na Lei Orgánica 2/2012, de 27 de abril, de Estabilidade Orzamentaria e Sostibilidade Financeira.

Por todo o exposto infórmase o orzamento en sentido favorable. Non obstante o Pleno acordará o que estime pertinente.

A secretaria-interventora M^a Teresa Escudero Barral

Documento asinado e datado dixitalmente ao marxe

